

სსიპ აჭარის სატყეო სააგენტო



ელექტრონული გამარტივებული ტენდერი

ჩამდინარე წყლების ბიოლოგიური გამწმენდი დანადგარის შესყიდვა
თანმდევი მომსახურება/მონტაჟით
(CPV42996000)

სატენდერო დოკუმენტაცია

ქ. ბათუმი

2015წელი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვის შესახებ ხელშეკრულების პროექტი
4. დამატებითი ინფორმაცია
4. დანართი N1 სატენდერო წინადადების ფასი, ფასების ცხრილი
5. დანართი №2 რეკვიზიტები

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომ სისტემა) შესყიდვის პროცედურები ხორციელდება საქართველოს კანონის “სახელმწიფო შესყიდვების შესახებ”, დასახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” შესაბამისად.

2. შესყიდვის ობიექტი: ჩამდინარე წყლების ბიოლოგიური გამწმენდი დანადგარი - 3 კომპლექტი.

1 კომპლექტი - 4 კ.ბ.მ.

2 კომპლექტი - 2 კ.ბ.მ;

(იხილეთ არსებული ჭების ნახაზები)

• ბიოლოგიური გამწმენდი უნდა შეიცავდეს ჩამდინარე წყლის გადამუშავების მინიმუმ რვა ზონას:

1. ავტომატიზირებული ცხურა უბეში მინარევების ჩასაჭერად;
2. მიმღები რეზერვუარი-დენიტრიფიკატორი;
3. პირველი საფეხურის ბიორეაქტორი;
4. მეორე საფეხურის ბიორეაქტორი;
5. მესამე საფეხურის ბიორეაქტორი;
6. ცირკულირებადი ბიოფილტრი;
7. წვრილი ფრაქციის სალექარი;
8. საკონტაქტო რეზერვუარი;

ამავდროულად, ჭარბი ლამის დამუშავებისათვის, დანადგარი უნდა შეიცავდეს აერობულ სტაბილიზატორს.

- დანადგარს უნდა გააჩნდეს ელექტროენერგიის მოხმარების თვალსაზრისით ეკონომიური რეჟიმები (მინიმუმ სამი), რაც გულისხმობს იმას, რომ თუ წყლის შემოდინება შემცირდება დანადგარი ავტომატურად უნდა გადადიოდეს ელექტროენერგიის მოხმარების უფრო ეკონომიურ რეჟიმზე.

- დანადგარი უნდა იყოს მთლიანად ავტომატიზირებული და არ უნდა მოითხოვდეს მუდმივ მომსახურე პერსონალს. გაწმენდილი წყლის დეზინფექციისათვის დანადგარი უნდა იყოს აღჭურვილი ნატრიუმის ჰიპოქლორიდის დოზირების სისტემით.

- ბიოლოგიური გამწმენდიდან გამომავალი წყლის პარამეტრები უნდა აკმაყოფილებდნენ „საწარმოო და არასაწარმოო ობიექტების ჩამდინარე წყლების ზედაპირული წყლის ობიექტებში ჩაშვების ტექნიკურ რეგლამენტს“- საქ. გარემოს დაცვისა და ბუნებრივი რესურსების მინისტრის 2008 წლის 13 ნოემბერის ბრძანება №745.

შენიშვნა: გაკეთებული ჭების შეუსაბამობის შემთხვევაში მიმწოდებელმა საკუთარი ხარჯებით უზრუნველყოს საჭირო ინერტული მასალის შეზიდვა მონტაჟისთვის და შესაბამისობაში მოყვანა.

3. წინადადების ფასი და მიწოდების პირობა:

წინადადების ფასი გამოსახული უნდა იყოს ეროვნულ ვალუტაში. წინადადების ფასი შესყიდვების ერთიან ელექტრონულ სისტემაში (შემდგომში - სისტემა) მითითებული უნდა იქნეს დღგ-ს ჩათვლით;

- ხარჯები, რომლებიც წინადადების ფასში არ იქნება გათვალისწინებული, არ დაექვემდებარება ანაზღაურებას;

- წინადადების ფასად განიხილება სისტემის მეშვეობით შესყიდვის ელექტრონული პროცედურის შესაბამის ველში დაფიქსირებული ფასი;

- ხელშეკრულებით გათვალისწინებული შესყიდვის ობიექტის ღირებულება არ შეიძლება აღემატებოდეს ელექტრონულ პროცედურაში გამარჯვებული პრეტენდენტის მიერ სისტემის მეშვეობით დაფიქსირებულ საბოლოო ფასს;

- პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შესაძლებელია შესწორდეს დაზუსტების გარეშე, ერთეულის ფასის უპირატესობის პრინციპის გათვალისწინებით, იმ შემთხვევაში თუ აღნიშნული არ აღემატება სისტემის შესაბამის ველში დაფიქსირებულ ფასს;

4. შესყიდვის ობიექტის მიწოდების/მონტაჟის ვადა და ადგილი:

4.1 მიწოდების/მონტაჟის ვადა: ხელშეკრულების გაფორმებიდან 40 (ორმოცი) კალენდარული დღის განმავლობაში;

4.2 მიწოდების/მონტაჟის ადგილი: ქ. ბათუმი, ანგისის დასახლება .სსიპ აჭარის სატყეო სააგენტო, ხულოს და შუახევის სატყეო ადმინისტრაციები (დაზუსტდება ხელშეკრულების გაფორმების დროს).

5. ანგარიშსწორების სავალდებულო პირობები:

5.1 ანგარიშსწორებისას მიმწოდებელი ვალდებულია გამოიყენოს წინასწარი გადახდის მექანიზმი (ავანსი), მთლიანი სახელშეკრულებო ღირებულების 100%-ის ოდენობით. მიმწოდებელი ვალდებულია შემსყიდველ ორგანიზაციას ხელშეკრულების დადებამდე, ან/და ხელშეკრულების დადებიდან 7 კალენდარულ დღეში, წარმოუდგინოს საბანკო გარანტია შემდეგი ფორმით: საბანკო დაწესებულების მიერ გაცემული წინასწარ გადასახდელი (ავანსი) თანხის ოდენობის უპირობო საბანკო გარანტია, რომელიც შემსყიდველ ორგანიზაციას უნდა აძლევდეს უფლებას პირველი მოთხოვნისთანავე გარანტიის გამცემი საბანკო დაწესებულებისგან, დაუყოვნებლივ, შემსყიდველის მოთხოვნის მიღებიდან არაუგვიანეს 3(სამი) სამუშაო დღისა, ყოველგვარი დასაბუთების გარეშე, მიიღოს გარანტიით გათვალისწინებული თანხა.

საბანკო გარანტიის მოქმედების ვადა 30 კალენდარული დღით უნდა აღმატებოდეს შესყიდვის ობიექტის საბოლოო მოწოდების ვადას.

5.2. ანგარიშსწორება მოხდება უნაღდო ანგარიშსწორებით ლარში.

5.3. თეთრ სიაში დარეგისტრირებული მიმწოდებელი ვალდებულია წარუდგინოს შემსყიდველ ორგანიზაციას წინასწარ მოთხოვნილი თანხის ნახევრის ოდენობის საბანკო გარანტია.

6. სხვა მოთხოვნები:

6.1 პრეტენდენტს უფლება აქვს წარმოადგინოს მხოლოდ ერთი წინადადება;

6.2 ელექტრონულ სისტემაში ატვირთული პრეტენდენტის მიერ შექმნილი ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა);

6.3 წინადადება ძალაშია შემდეგი სტატუსების დადგომამდე: შესყიდვის ელექტრონული პროცედურა დასრულებულია უარყოფითი შედეგით, შეწყვეტილია, ან ხელშეკრულება დადებულია;

6.4 შემსყიდველ ორგანიზაციასა და მომწოდებელს შორის ნებისმიერი მიმოწერა/შეტყობინების გაგზავნა ხდება სისტემის შესაბამისი მოდულის მეშვეობით და სისტემის გამოყენების გარეშე მიმოწერა/შეტყობინება სავალდებულო არ არის. მიმოწერა/შეტყობინება მიღებულად ჩაითვლება მისი სისტემაში ატვირთვის მომენტიდან.

6.5 სატენდერო დოკუმენტაციით მოთხოვნილი, ერთიან ელექტრონულ სისტემაში ასატვირთი ყველა დოკუმენტ(ებ)ი წარმოდგენილ უნდა იქნეს ქართულ ენაზე; დოკუმენტების და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

7. პრეტენდენტის მიერ ერთიან ელექტრონულ სისტემაში ასატვირთი მონაცემები:

პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

ა) ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება, იურიდიულ მისამართი, ტელეფონის ნომერი, საბანკო რეკვიზიტები, ხელმძღვანელ(ებ)ის სახელი და გვარი (სატენდერო დოკუმენტაციის დანართით № 2 მითითებული ფორმით).

ბ) ფასების ცხრილი (ხარჯთაღრიცხვა) .

გ) ინფორმაცია სამუშაოების შესრულების ვადების შესახებ

შენიშვნა: სისტემაში ატვირთული დოკუმენტები ხელმოწერილი უნდა იყოს ხელმძღვანელის ან პრეტენდენტის უფლებამოსილი პირის მიერ შესაბამის უფლებამოსილების დამადასტურებელი დოკუმენტის თანდართვით.

იმ შემთხვევაში, თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის

შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა, ან/და ამ ფასად ტენდერით გათვალისწინებული ვალდებულების შესრულების შესაძლებლობა.

ხელშეკრულების პროექტი

სახელმწიფო შესყიდვების შესახებ

(წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. ხელშეკრულების პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად).

ბათუმი ---- 2015წ.

ერთის მხრივ, სსიპ აჭარის სატყეო სააგენტო (შემდგომში „შემსყიდველი“), წარმოდგენილი, უფროსის ----- სახით და მეორე მხრივ, -----, (შემდგომში „მიმწოდებელი“) წარმოდგენილი ----- სახით, „სახელმწიფო შესყიდვების შესახებ“ საქართველოს კანონის საფუძველზე, მიმწოდებლის მიერ სახელმწიფო შესყიდვების ერთიანი ელექტრონული სისტემის საშუალებით წარდგენილი სატენდერო წინადადებისა და ელექტრონული ტენდერის (SPA-----) შედეგების გათვალისწინებით დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი და მოწოდების ვადები:

1.1. ჩამდინარე წყლების ბიოლოგიური გამწმენდი დანადგარების შესყიდვა თანმდევი მონტაჟით (შემდგომში საქონელი).

1.2. ხელშეკრულებით გათვალისწინებული საქონლის დასახელება, მოწოდების ადგილი, რაოდენობა, ერთეულის ღირებულება და საერთო ფასი მოცემულია დანართი 1-ში (დანართი 1 წარმოადგენს ხელშეკრულების განუყოფელ ნაწილს) - შემდგომში სამუშაო.

1.3. საქონლის მოწოდების ადგილია ხელვაჩაურის, შუახევისა და ხულოს სატყეო ადმინისტრაციები.

1.4. საქონლის მოწოდება უნდა განხორციელდეს ხელშეკრულების გაფორმებიდან 40 (ორმოცი) კალენდარულ დღეში.

2. ანგარიშსწორება

2. ანგარიშსწორებისას მიმწოდებელი ვალდებულია გამოიყენოს წინასწარი გადახდის მექანიზმი (ავანსი), მთლიანი სახელშეკრულებო ღირებულების 100%-ის ოდენობით. მიმწოდებელი ვალდებულია შემსყიდველ ორგანიზაციას ხელშეკრულების დადებამდე, ან/და ხელშეკრულების დადებიდან 7 კალენდარულ დღეში, წარმოუდგინოს საბანკო გარანტია შემდეგი ფორმით: საბანკო დაწესებულების მიერ გაცემული წინასწარ გადასახდელი (ავანსი) თანხის ოდენობის უპირობო საბანკო გარანტია, რომელიც შემსყიდველ ორგანიზაციას უნდა აძლევდეს უფლებას პირველი მოთხოვნისთანავე გარანტიის გამცემი საბანკო დაწესებულებისგან, დაუყოვნებლივ, შემსყიდველის მოთხოვნის მიღებიდან არაუგვიანეს 3(სამი) სამუშაო დღისა, ყოველგვარი დასაბუთების გარეშე, მიიღოს გარანტიით გათვალისწინებული თანხა.

საბანკო გარანტიის მოქმედების ვადა 30 კალენდარული დღით უნდა აღემატებოდეს შესყიდვის ობიექტის საბოლოო მოწოდების ვადას.

3. საქონლის მიწოდების პირობები და მიღება-ჩაბარების წესი.

3.1. საქონლის მიწოდება, მონტაჟი და გამართვა-გაშვება განხორციელდება ხელშეკრულების გაფორმებიდან 40 (ორმოცი) კალენდარულ დღეში. იმ შემთხვევაში, თუ ამ დროისათვის შემსყიდველი ვერ უზრუნველყოფს ჩამდინარე წყლით „საქონლის“ მომარაგებას, გამართვა-გაშვება განხორციელდება სხვა ნებისმიერი წყლით.

3.2. საქონლის მიღება-ჩაბარება ხორციელდება ხელშეკრულებით გათვალისწინებულ დანართი 1-ში აღნიშნულ ადგილზე.

3.3. საქონელი ჩაითვლება მიწოდებულად მხოლოდ მხარეთა მიერ მიღება-ჩაბარების აქტის გაფორმების შემდეგ.

3.4. შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები დაწუნებული საქონლის წუნდების მიზეზის მითითებით.

3.5. შესყიდვის ობიექტის (მისი ნაწილის,) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფ მიმწოდებელი.

3.6. შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირებს წარმოადგენენ -----

4. საგარანტიო პირობები.

4.1. საქონლის ტექნიკური მახასიათებლები უნდა შეესაბამებოდეს წინამდებარე ხელშეკრულების დანართი 2-ით (დანართი 2 - ტექნიკური პირობები) განსაზღვრულ პირობებს

4.2. შესასყიდი საქონლის ხარისხი უნდა შეესაბამებოდეს სტანდარტებს.

4.3. მიმწოდებელი იძლევა პირობას, რომ მიწოდებული საქონელი ექსპლუატაციის ნორმების დაცვის შემთხვევაში არ გამოავლენს დეფექტს. საქონელი არის უნაკლო.

4.4. საქონლის სრულფასოვანი ფუნქციონირების საგარანტიო ვადა, რომლის განმავლობაშიც მიმწოდებელი ვალდებულია საკუთარი ხარჯით უზრუნველყოს წარმოქმნილი ხარვეზების აღმოფხვრა, შეადგენს 3 (სამი)(ელ.მოწყობილობებზე 2 წელი) წელს.

4.5. თუ საგარანტიო პერიოდის განმავლობაში საქონლის ექსპლუატაციისას გამოვლინდა მისი ნაკლი, მიმწოდებელი ვალდებულია შეტყობინების მიღებიდან 7 (შვიდი) კალენდარული დღის ვადაში თავისი ხარჯებით აღმოფხვრას ნაკლოვანებები.

4.6. საქონელს თან უნდა ახლდეს სტანდარტის შესაბამისობის დამადასტურებელი სერთიფიკატი.

5. მხარეთა უფლება-მოვალეობები:

5.1. მიმწოდებელი ვალდებულია:

ა) უზრუნველყოს წინამდებარე ხელშეკრულების დანართი N1-ში გათვალისწინებული საქონლის მიწოდება, მონტაჟი და გამართვა-გაშვება ხელშეკრულებით გათვალისწინებულ ვადებში და ადგილზე;

ბ) გადასცეს შემსყიდველს უფლებრივად და ნივთობრივად უნაკლო საქონელი;

გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, ასევე დაუყოვნებლივ აღმოფხვრას ყველა აღმოჩენილი ხარვეზი.

დ) განახორციელოს ამ ხელშეკრულებით მასზე დაკისრებული სხვა ვალდებულებები.

5.2. შემსყიდველის მოვალეობები:

ა) უზრუნველყოს ხელშეკრულების შესრულების კონტროლი;

ბ) განახორციელოს ანგარიშსწორება ხელშეკრულებით გათვალისწინებული პირობების შესაბამისად.

გ) განახორციელოს ამ ხელშეკრულებით მასზე დაკისრებული სხვა ვალდებულებები.

6. ფორსმაჟორი

6.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი.

7. პირგასამტეხლო ხელშეკრულების პირობების შეუსრულებლობისათვის

7.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,2%-ის ოდენობით.

7.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

7.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.4. მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 8.3 პუნქტით გათვალისწინებულ გადაწყვეტილების მიღების განზრახვის შესახებ.

8.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

8.6. მიმწოდებლის მიერ ხელშეკრულების პირობების შეუსრულებლობის გამო, შემსყიდველის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 5 (ხუთი) %-ის ოდენობით.

9. დავები და მათი გადაწყვეტის წესი

9.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს სასამართლოს მოქმედი კანონმდებლობის შესაბამისად.

10. ხელშეკრულების მოქმედების ვადა

10.1. ხელშეკრულება ძალაში შედის მისი ხელმოწერის დღიდან და მოქმედებს 2016 წლის 30 მარტის ჩათვლით.

10.2. წინამდებარე ხელშეკრულების მოქმედების ვადის ამოწურვა არ ათავისუფლებს მხარეებს ხელშეკრულებით გათვალისწინებული ვალდებულებების შესრულებისაგან.

11. მხარეთა რეკვიზიტები

შემსყიდველი:

მიმწოდებელი:

სსიპ აჭარის სატყეო სააგენტო
მისამართი: ქ. ბათუმი, ვ. გორგასლის N124
საბანკო რეკვიზიტები:
საიდენტიფიკაციო კოდი – 245631428
ხაზინის ერთიანი ანგარიში
ბანკის კოდი; TRESGE22
ანგარიშის N 7 4039 7499

სააგენტოს უფროსი
თემურ ქურიძე

დანართი 1

ფასების ცხრილი

საქონლის დასახელება	რაოდენობა	მწარმოებელი ქვეყანა, მოდელი	ერთეულის ღირებულება	საერთო ღირებულება	საგარანტიო ვადა
ჩამდინარე წყლის ბიოლოგიური გამწმენდი	1 კომპლექტი				3 წელი (ელ. მოწყობილობებზე 2 წელი)
ჩამდინარე წყლის ბიოლოგიური გამწმენდი	2 კომპლექტი				
მონტაჟი					
სულ					

• ბიოლოგიური გამწმენდი უნდა შეიცავდეს ჩამდინარე წყლის გადამუშავების მინიმუმ რვა ზონას:

1. ავტომატიზირებული ცხურა უბეში მინარევების ჩასაჭერად;
2. მიმღები რეზერვუარი-დენიტრიფიკატორი;
3. პირველი საფეხურის ბიორეაქტორი;
4. მეორე საფეხურის ბიორეაქტორი;
5. მესამე საფეხურის ბიორეაქტორი;
6. ცირკულირებადი ბიოფილტრი;
7. წვრილი ფრაქციის სალექარი;
8. საკონტაქტო რეზერვუარი;

ამავდროულად, ჭარბი ლამის დამუშავებისათვის, დანადგარი უნდა შეიცავდეს აერობულ სტაბილიზატორს.

- დანადგარს უნდა გააჩნდეს ელექტროენერგიის მოხმარების თვალსაზრისით ეკონომიური რეჟიმები (მინიმუმ სამი), რაც გულისხმობს იმას, რომ თუ წყლის შემოდიანება შემცირდება დანადგარი ავტომატურად უნდა გადადიოდეს ელექტროენერგიის მოხმარების უფრო ეკონომიურ რეჟიმზე.

- დანადგარი უნდა იყოს მთლიანად ავტომატიზირებული და არ უნდა მოითხოვდეს მუდმივ მომსახურე პერსონალს. გაწმენდილი წყლის დეზინფექციისათვის დანადგარი უნდა იყოს აღჭურვილი ნატრიუმის ჰიპოქლორიდის დოზირების სისტემით.

- ბიოლოგიური გამწმენდიდან გამომავალი წყლის პარამეტრები უნდა აკმაყოფილებდნენ „საწარმოო და არასაწარმოო ობიექტების ჩამდინარე წყლების ზედაპირული წყლის ობიექტებში ჩაშვების ტექნიკურ რეგლამენტს“- საქ. გარემოს დაცვისა და ბუნებრივი რესურსების მინისტრის 2008 წლის 13 ნოემბერის ბრძანება №745.

შენიშვნა: გაკეთებული ჭების შეუსაბამობის შემთხვევაში მიმწოდებელმა საკუთარი ხარჯებით უზრუნველყოს საჭირო ინერტული მასალის შეზიდვა მონტაჟისთვის და შესაბამისობაში მოყვანა.

დანართი №2

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ბანკის დასახელება:

ანგარიშის ნომერი:

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. ბათუმი, ვახტანგ გორგასლის ქ. №124, სსიპ აჭარის სატყეო სააგენტო. საკონტაქტოპირი: ლალი ცოცხალაშვილი ტელ: 577 20 60 21